

# Bibilia ya watoto

## Inaleta

Mwanzo wa huzuni  
wa mtu



Kimeandikwa na: Edward Hughes

Kimeorodheshwa na: Byron Unger; Lazarus  
Alastair Paterson

Imerekebishwa na: M. Maillot; Tammy S.

Kimetafsiriwa na: Grace Chepkoech

Kimedhibitishwa na: Bible for Children  
[www.M1914.org](http://www.M1914.org)


©2020 Bible for Children, Inc.


License: Kuna ruhusa ya kuchapa hadithi hii, lakini bila ya kuuza.



# MUNGU ALIUMBA VITU VYOTE!

Wakati Mungu alimuumba mtu wa kwanza, Adamu, aliishi katika bustani la Edeni na bibi yake Hawa. Waliishi kwa raha wakimtii Mungu na kufurahia uwepo wake hadi siku moja ...





"Mungu aliwaamri  
msile matunda ya  
miti yote, sivyo?"  
nyoka akamwuliza

Hawa. "Tunaweza kula matunda  
ya miti yote ila moja," Hawa  
akajibu. "Tukila tunda la hilo  
mti, tutakufa."  
"Hamtakufa," nyoka  
akamdanganya.



"Mtakuwa kama Mungu." Sasa Hawa akatamani tunda la huo mti aliokatazwa na Mungu. Alimsikiza nyoka na akala tunda lile.

Baada ya Hawa kutomtii Mungu,  
alimuongoza Adamu naye pia  
akala lile tunda. Adamu  
alitakikana kumueleza Hawa,  
"La! Sitakubali kutotii  
neno la Mungu."





Baada  
ya Adamu na Hawa  
kutenda dhambi, walikuja kugundua  
kuwa walikuwa uchi. Kwa hivyo, wakashona  
matawi ya miti kuwa mavazi na kujificha  
ndani ya misitu kutokana na uwepo wa Mungu.






Katika barizi ya jioni, Mungu akaja shambani. Alijua kuwa Adamu na hawa walikuwa wametenda dhambi. Adamu alimlaumu Hawa. Hawa alimlaumu nyoka. Mungu akasema, "Nyoka amelaaniwa. Mwanamke pia atapitia machungu anapozaa watoto."

"Adamu, Kwa vile  
umetenda dhambi,  
ardhi imelaaniwa na  
miiba. Binadamu  
atalima na kutoa jasho  
ndipo apate chakula."





Mungu akawatoa Adamu  
na hawa nje ya bustani lile  
zuri. Kwasababu walitenda  
dhambi, walitenganishwa  
na Mungu  
mwenye  
uhai!





Mungu akatengeneza upanga wa  
moto wa kutunza Bustani la Edeni.  
Pia Mungu akawatengenezea  
Adamu na Hawa mavazi  
kutokana na ngozi.  
Mungu alitoa  
ngozi wapi?



Kwa wakati, familia ikazaliwa kwa Adamu na Hawa. Mwana wao wa kwanza Kaini, alikuwa mkulima. Mwana wao wa pili, Habili, alikuwa mchungaji wa wanyama.



Siku moja Kaini alimletea Mungu mimea ya shamba kama sadaka. Habili akamletea kondoo wake mzuri zaidi ya wote kama sadaka. Mungu alifurahia sadaka ya Habili.



Mungu hakufurahia sadaka ya kaini. Kwa hivyo Kaini akawa na hasira. Lakini Mungu akasema, "Ukitenda kile kilicho sawa utakubaliwa, sivyo?"



Hasira ya Kaini ikazidi  
kumpanda. Baada ya wakati  
usio mrefu alimvamia nduguye  
Habili - na akamwua!



Mungu akamzungumzia Kaini. "Yuko wapi ndugu yako Habili?" "Sijui," Kaini akadanganya. "Mimi ni mwekaji ndugu yangu?" Mungu akamwadhibu Kaini kwa kumnyang'anya uwezo wake wa ukulima na kumfanya awe mtu anayezurura ovyo.



Kaini aliondoka kutoka uwepo  
wa Mwenyezi Mungu. Akamwoa  
binti wa Adamu na Hawa.  
Hapo wakakuza jamii.



Katika wakati usio mrefu,  
wajukuu na vitukuu wa Kaini  
wakajaza mji ambao  
aliuanzisha.



Wakati huo huo, familia ya Adamu  
na Hawa ikazidi kuongezeka.



Wakati mwana wake Sethi alizaliwa,  
Hawa akasema, "Mungu amenipa Sethi  
kwa nafasi ya Habili." Sethi alikuwa  
mcha Mungu aliyeishi miaka 912 na  
akawa na watoto wengi.



Duniani, watu walizidi kuwa waovu vizazi vilivyoendelea kuongezeka. Mwishowe, Mungu akaamua kuwaangamiza wanadamu na ...



... wanyama wote na ndege.  
Mungu alijuta kumwumba  
binadamu. Lakini mtu mmoja  
alimpendeza Mungu ...



Mtu huyu alikuwa Nuhu. Alikuwa wa jamii ya sethi, Nuhu alikuwa mtakatifu na asiye dhambi. Alitembea naye Mungu.



A colorful illustration depicting a scene from the Bible. In the foreground, four men with beards are gathered around a white dove perched on a large, crumpled white object. The man on the far left wears a blue tunic, the second wears a brown tunic, the third wears a red tunic, and the fourth wears a grey tunic and is shown in a prayerful pose with hands clasped. In the background, a large green mountain rises against a bright blue sky. A rainbow arches across the sky on the right side. Two other figures are visible on the mountain: one sitting on a ledge and another walking along a path. A small red heart icon is located in the bottom right corner.

Pia aliwafunza wana wake  
watatu jinsi ya kumtii Mungu.  
Sasa, Mungu akapanga  
kumtumia Nuhu kwa njia  
ya ajabu na  
kipekee!

Mwanzo wa huzuni wa mtu  
Hadithi kutoka kwa Neno la Mungu, Bibilia,  
inapatikana katika

Mwanzo 3-6

“Kufafanusha maneno yako kватia nuru.”  
Zaburi 119:130





Mwisho



Hii hadithi ya bibilia inatueleza kumhusu Mungu wetu wa ajabu aliyetuumba na anayetaka tumjue.

Mungu anajua tumetenda mambo mabaya, anayoyaita dhambi. Adhabu ya dhambi ni mauti, lakini Mungu anakupenda sana hata akamtuma mwana wake wa pekee, Yesu, Ili afe msalabani na aadhibiwe kwa dhambi yako. Alafu Yesu akafufuka na kuenda nyumbani mbinguni! Ukimwamini Yesu na kumwomba msamaha kwa dhambi yako, Atakusamehe! Yesu atkuja na kuishi ndani yako, na utaishi naye milele.

Kama unaamini huu ni ukweli, Sema haya kwa Mungu: Mpendwa Yesu, ninaamini kuwa wewe ni Mungu, na ulifanyika mtu ili ufe kwa ajili ya dhambi zangu, ili niwe na maisha mapya, na siku moja nitaenda kuwa nawe millele. Nisaidie nikutii na niishi kwa ajili yako kama mtoto wako. Amina.

Soma bibilia na uzungumze na Mungu kila siku! Yohana 3:16

